

siðan árlega sama dag upp frá því. Falli styrkveiting niður eitt ár eða fleiri, veitist því meiri styrkur næsta eða næstu ár, sem umsóknir eru fyrir hendi. 149
3. sept.

6. gr.

Styrkveiting úr sjóðnum skal jafnan vera bundin því skilyrði, að fylgt sé ákvæðum 2. og 3. málgr. 4. gr. og ákvæðum 5. gr. samþykktar um skóggræðslu í Skagafjarðarsýslu, útg. 10. maí 1945. Verði ákvæðum þessum breytt, skal farið eftir þeim ákvæðum, sem sýslunefnd Skagafjarðarsýslu setur í þeirra stað til tryggingar græðslu gagnskógar til skjóls og búsparfa eða prýðis.

7. gr.

Stjórn sjóðsins skulu skipa 3 sjálfkjörnir menn, þeir sýslumaðurinn í Skagafjarðarsýslu, sýslunefndarmaður Skarðshrepps og umsjónarmaður sýsluskógræktarinnar í Skagafjarðarsýslu, sem búsettur er innan sýslunnar, og er sýslumaðurinn ávallt formaður sjóðstjórnarinnar. Stjórnin ræður styrkveitingum úr sjóðnum samkvæmt ákvörðun þessarar skipulagsskrár. Hún annast fjárreiður sjóðsins og ber ábyrgð á þeim fyrir sýslunefnd. Reikningsár er almanaksárið.

8. gr.

Stjórn sjóðsins skal jafnan halda gerðabók og bóka þar framkomnar umsóknir um styrk, ákvarðanir um styrkveitingar, svo og reikninga sjóðsins og annað það, sem máli skiptir um rekstur sjóðsins og efnahag. Ársreikningur sjóðsins skal jafnan lagður fram á aðalfundi sýslunefndar Skagafjarðarsýslu til endurskoðunar.

9. gr.

Leita skal staðfestingar forseta Íslands á skipulagsskrá þessari.

Sjávarborg, í desember 1944.

Árni Daniélfsson.

Staðfesting forsetans á skipulagsskrá fyrir „Minningarsjóð Kristínar Egilsdóttur“, útgefin á venjulegan hátt að mandatum af dómsmálaráðherra 3. september 1945. 150
3. sept.

Skipulagsskráin er þannig:

SKIPULAGSSKRA

fyrir Minningarsjóð Kristínar Egilsdóttur.

1. gr.

Sjóðurinn heitir Minningarsjóður Kristínar Egilsdóttur og er stofnaður af ættingjum og erfingjum hennar, til minningar um hana, en hún var fædd 29. sept. 1864, dáin 18. okt. 1941, dóttir Egils Jónssonar bókbindara og bókaútgefanda í Reykjavík og konu hans Guðrúnar Halldórsdóttur, prófasts á Melstað, Ámundasonar.

2. gr.

Sjóðurinn er nú við stofnun hans (í júní 1945) að upphæð kr. 8808.89 auk vaxta, en eykst væntanlega með framlögum ættingja, sem enn hafa ekki lagt í hann, og annarra vina, sem vilja styðja hann og tilgang hans, sérstaklega söngvina.

150

3. sept.

Varðveizla og stjórn sjóðsins skal vera í höndum Tónlistarskólans í Reykjavík, sem skal geyma hann í ríkisskuldabréfum eða á annan jafntryggan hátt. Sjóðstjórnina skulu skipa formaður skólaráðs, skólastjóri og elsti starfandi kennari skólans. Hún birtir reikning sjóðsins árlega í Stjórnartíðindum eða Lögbirtingablaði.

4. gr.

Höfuðstól sjóðsins og innlög önnur en vexti, má aldrei skerða og skulu vextir lagðir við hann þangað til hann er orðinn kr. 25000 — tuttugu og fimm þúsund krónur —. Þegar hann hefur náð þeirri upphæð, skal leggja við hálfu vexti, en hálfum vöxtum varið til stuðnings söngmennt í landinu samkv. ákvörðun sjóðstjórnarinnar, svo og til að styrkja efnilega tónlistarnemendur eða til hljóðfærakaupa eða á annan hátt. Má verja hálfum vöxtum þannig árlega eða ef stjórnin telur það betur henta, að leggja saman vexti fyrir tvö eða fleiri ár til sérstakrar notkunar.

Þegar sjóðurinn er orðinn fimmtíu þúsund krónur, má stjórnin ákveða að verja til úthlutunar meira en helming vaxta, en aldrei sé þó minna en $\frac{1}{4}$ hluti vaxta lagður við höfuðstól.

5. gr.

Hætti Tónlistarskólinn í Reykjavík að starfa með núverandi fyrirkomulagi, tekur sú stofnun við vörzlu og stjórn sjóðsins, sem kemur í stað skólans og leysir hlutverk hans.

6. gr.

Leita skal staðfestingar forseta á þessari skipulagsskrá.

F. h. erfingjanna

Reykjavík, í júní 1945.

Kristinn Daníelsson,

fyrrv. prófastur.

151

4. sept.

REGLUGERÐ

um laun símstjóra á I. fl. B. og II. fl. símstöðvum fyrir rekstur stöðvanna svo og laun póstafgreiðslumanna.

1. gr.

Samkvæmt 21. gr. laga nr. 60 12. marz 1945, um laun starfsmanna ríkisins, er hér með sett eftirfarandi reglugerð um laun símstjóra á I. fl. B og II. fl. símstöðvum, sem ákvæði nefndra laga ná ekki til.

2. gr.

Starfsmenn við póstafgreiðslustörf á Akureyri, Ísafirði, Siglufirði, Seyðisfirði og Vestmannaeyjum njóta sömu launakjara og starfsmenn póststofunnar í Reykjavík. Póst- og símamálastjórnin ákveður starfsmannafjölda á ofangreindum stöðum og flokkun þeirra samkvæmt lögum um laun starfsmanna ríkisins.

3. gr.

Árspóknun síma- og póstafgreiðslumanna á eftirtöldum stöðum séu sem hér segir: